

– Ma trasha! Na uhaa! Chhinde li o kasht, ka merav me da!

– Nanay te mere, ma trasha! Kibor thulo, po-thulo..., te na pere.

I zhan peske o sekache. Zhanna, dena ekh obyava i phenna:

– Kon ka izmaystorizel kaka chhaa te uhavela katar o kasht, dava les epash o tsarstvo. Dava le epash o zlatos, dava le moro so! Dava les na polovina me grastendar, me chhurundar. Samo i samo te anen la me chhaveske.

I sekon shturizela pes. Ekh phuri ali i phenla:

– Tsaryu! Thagara! Ya, prigotvine mange tabla, tshihay, sita, balano i kangi. Prigotvizi mange o aro. Prigotvizi mange ekh maska zhuklea.

I gotovo. Thovena ki kolichka, o faytoy i otka – vrrr. Pravo ki haink Pochinizela i phuri. Parvo thovela po shoro, haravela pe bala, pe bala roshava kerela. I chhay upral vitsizela:

– Nene! Dikh la chha, nene! Tersene khuveya tut!

– Siger, mi chhay! Uhi, mi chhay, otar andar o kashtoro te lachhare me bala!

– Nashi uhav chha, mami! But ucherino o kasht, but thulo.

– Mi keal ka beshav, mi chhay!

I lela te kerel maro i phuri. I makhela pe yakha humer te na dikhela Irizela i tepsida tersene. I lela thovela tay sita obratno. Thovela kodova. Thovela lake aro. I chhay upral revizela:

– Nene! Tersene thovden la chha, mami! Irizela chha!

– Ay, mi chhay! Uhi tele be, mayko! Ker mange aldemizi te lachharav la

– Ami, nashti chhe mayko! Nashti te uhyav!

Taman zhala te thovel o kodova, o aro, chhiela ande phuvyate.

– Mami! Habizela o aro, chha! O aroro habizela! Iker I tabla shukar!

– Nashti be, mayko!

– Uhi be, chedo! Uhi! Ker mange aldemizi!

Katar izmaystoriskere – kotar izmaystoriskere, uhisti i chhai. Lela pes i phuri, grabizela pe yakhendar o humer, chhivela les. Chalavel i zhuklya ekh kamshikos, thool i chhae ando faytoy – tupu-u-ur. Ko thagaresko kher.

Avela o rogachi nadvecher – phenori nanay. Ingalde i chhaa ko thagaresko kher.

Astarde te keren biyav. I phenori rovela.

– Man isi ekh phraloro. Bi me phraleskoro na kamava te ovav bori. Man mo vozi thabola me phraloreske. Mo phraloro achhilo korkori.

O thagareskoro raklo phenla:

– A-a-a! Tut phral isi?